



UNIVERSITÄTS-
BIBLIOTHEK
PADERBORN

Corpus Juris Canonici

Gregor <XIII., Papst>

Coloniae Munatianæ, 1665

Ne Praelati Vices Svas, Vel ecclesias sub annuo censu concedant.

[urn:nbn:de:hbz:466:1-62915](https://nbn-resolving.org/urn:nbn:de:hbz:466:1-62915)

CAP. XLV.

Qui ordinavit aliquem sub promissione de non petendo ab ipso provisionem: ordinator per triennium à collatione, presentator vero ab executione ordinum, etiam per triennium suspensum: ordinatus vero, ab ordine perpetui sit suspensus: & solum per sedem Apostolicam cum eis dispensatur.

Idem.

Si quis ordinaverit, seu ad ordinem presentaverit aliquem, promissionem vel juramentum ab illo recipiens, quod super provisione tua non inquietet te eundem ordinator à collatione, presentator vero ab executione ordinum per triennium, & ordinatus ab ordine sic suscepto, donec dispensationem super hoc per sedem Apostolicam obtinere meruerint, noverint se suspensos.

CAP. XLVI.

Habet duo dicta: secundum ibi, & ad resignationes. Et propter brevitate & varietate lectionum aliter non summatur.

Idem.

Mandato e nostro recepto, ut cum Monachis, qui per Simoniam dato aliquo locum in monasteriis sunt adepti, secundum constitutionem generalis concilii dispensaret: & infra. Consul. t. breviter respondentes, dicimus mandatum Apostolicum, etiam ad Abbates extendi, & resignationes spiritualium & temporalium, que nullo pacto, sed affectu animi procedente, utrinque taliter acquiruntur, (in quo casu delinquentibus sufficit per solam poenitentiam suo satisfacere creatori) eos pro Simonia hujusmodi non teneri.

NE PRAELATI VICES SVAS, VEL ecclesias sub annuo censu concedant.

TITVLVS IV.

CAP. I.

Qui dat pecuniam, ut Episcopalem vel spirituales iurisdictiones exerceat, officio suo priveretur. & sic conferens illud amplius conferre non poterit, & canonice punietur. hoc dicit, cum sequentibus.

Alexander in Concilio Lateran. d.

Præterea quoniam quidam in quibusdam partibus sub precio statuunt, qui Decani vocantur, & pro certa pecunia quantitate Episcopalem iurisdictionem exercent: Præsentanti decreto statuimus, ut qui de cetero hoc præsumpserit, officio suo priveretur, & Episcopus conferendi hoc officium potestatem amittat.

CAP. II.

Summatum est supra ca. proximo.

Idem in Concilio Turonen.

Quoniam in quibusdam partibus Decani & quidam vel Archipresbyteri ad agendas vices Episcoporum seu Archidiaconorum, & terminandas causas ecclesiasticas sub annuo precio statuunt: quod ad sacerdotum gravamen, & subversionem iudiciorum non est dubium redundare: id ulterius fieri prohibemus. Quod si quis de cetero fecerit, tenoveatur à clero. Episcopus autem, qui hoc sustinuerit, & f. ecclesiasticam iurisdictionem

a Vid. Theresmetam in ca. statum. & ca. ordinatione. i. quæstio. i. & Sylvestrum citatum in ca. præc. b Inquietaret. e de materia huius ca. vid. D. Sotum lib. 9. de just. & iura. q. 8. art. 1. ad 6. argu. Martinum Navarrum in Manuali Confessur. ca. 23. tit. de Simon. d Ca. 11. incipit, cum in officio. f. præterea quomodo. & ca. 1. tit. de praelato, ne vices suas, &c. in i. compilatione. e Post Concil. Lateran. sub Alexand. III. part. 2. c. 1. f. Ecclesiastica iudicia, &c.

sua patitur dissimulatione perverti districtione canonica percellatur.

CAP. III.

Regimen ecclesie sub annuo censu committi non debet.

Idem.

Quoniam & enormis quaedam consuetudo in quibusdam locis contra sanctorum Patrum institutiones invaluit, ut sub annuo precio sacerdotibus ad ecclesiarum regimen statuatur: Ne id fiat, modis omnibus prohibemus. Quia dum sacerdotum sub huiusmodi mercede venale disponitur, ad æternæ retributionis præmium consideratio non habetur.

CAP. IV.

Fructus ecclesiarum sub annuo censu concedi possunt.

Idem Exonien. Episcopo.

Verulam & Magistri Guil. recepimus, quod cum ecclesiam de c. Cephalai, à G. persona ejusdem ad annum censum tenendam per septennium suscepisset: ipse antequam eam per unius anni spatium tenuisset, auferre præsumpsit: quanquam præfata fide firmaverit, quod usque ad statutum terminum nullam ei exinde molestiam vel gravamen inferret. Ideoque mandamus, quatenus si constiterit ita esse, eum districtione compellas ut præfata ecclesiam dicto Guil. restituat: & usque ad terminum constitutum (secundum quod inter se & convenierint) ipsum eandem permittat pacifice possidere.

DE MAGISTRIS, ET NE ALIQUID exigatur pro licentia docendi.

TITVLVS V.

CAP. I.

Ecclesia cathedralis providere debet Magistro de beneficio, qui clericos ejusdem ecclesie, & alios pauperes gratis doceat: & vendens licentiam docendi, aut interdicens idoneum ad docendum, beneficio priveretur.

Ex Concilio Lateranen.

Quoniam ecclesia Dei, sicut pia mater providere tenetur, ne pauperibus, qui parentum opibus juvari non possunt, legendi & proficiendi opportunitas subtrahatur, per unamquamque cathedralem ecclesiam Magistro, qui clericos ejusdem & scholares pauperes gratis doceat, competens aliquod beneficium præbeatur: [i & infra.] Pro licentia e vero docendi nullus precium exigat vel sub obtentu alicujus consuetudinis ab eis f. qui docent aliquid querat, nec docere quenquam (qui sit idoneus) petita licentia illis interdicit. Qui autem contra hoc venire præsumpserit, ab ecclesiastico fiat beneficio alienus. Dignum quippe videtur ut in ecclesia fructum g. sui laboris non habeat, qui cupiditate animi, dum vendit docendi licentiam, ecclesiasticum profectum nititur impedire.

[i Quo docenti necessitas sublevertur, & discipulis via pateat ad doctrinam. In alio quoque restituatur ecclesie, seu magisteri si retroactis temporibus aliquid in eis fuerit deputatum.]

CAP. II.

Pro licentia docendi nihil exigere debet, vel promitti, & exaltum restituere, & promissum remitti debet & negligente infirmitate praelato, ad magistrum constituendum supplere hoc superior.

Alexander III. Vinton. Episcopo h.

Prohibeas t. ne in parocchia tua pro licentia docendi exigatur aliquid, aut etiam promittatur. Si quid

a Cap. 2. & 3. eod. tit. in 1. comp. b Ca. 4. eod. tit. in 1. comp. c Cephalai. d convenit. e vid. quos citabo in cap. sequenti. f al. quos docent. g fructus. h Vinton. i Ca. 2. eod. tit. in 1. compit.